

Հաստատված է

ՀՀ ԳԱԱ ԳԿՄԿ գիտական խորհրդի

«30» հունվարի 2025 թ. թիվ 208 նիստում



ՀՀ ԳԱԱ ԳԿՄԿ տնօրեն

Ա. ՍԱՐԳՍՅԱՆ

## ՀՀ ԳԱԱ ԳԿՄԿ ՏՆՕՐԵՆԻ ԵՎ ԴԵԿԱՆԻ ՊԱՏՎՈ ՑՈՒՑԱԿՆԵՐԻ ԿԱԶՄՄԱՆ ԿԱՆՈՆԱԿԱՐԳ

### 1. ԸՆԴՀԱՆՈՒՐ ԴՐՈՒՅԹՆԵՐ

- 1.1 Սույն Կանոնակարգով սահմանվում են ՀՀ ԳԱԱ գիտակրթական միջազգային կենտրոնի (այսուհետ՝ Կենտրոն) տնօրենի և դեկանի պատվո ցուցակների կազմման նպատակները և դրանցում ուսանողների ընդգրկման չափանիշները և պայմանները:
- 1.2. Կանոնակարգը սահմանում է Կենտրոնի տնօրենի և դեկանի պատվո ցուցակների կազմման ընթացակարգը, ուսանողների պատվո ցուցակներում ընդգրկման չափանիշները և պայմանները՝ համաձայն ուսանողների առաջադիմության և ակտիվության:
- 1.3 Պատվո ցուցակների կազմման նպատակն է՝ խրախուսել Կենտրոնի ուսանողների կրթական, գիտական, հասարակական ակտիվությունը, նպաստել մրցակցության բարձրացմանը և կրթության հանրահռչակմանը:

### 2. ՊԱՏՎՈ ՑՈՒՑԱԿՆԵՐԻ ԿԱԶՄՄԱՆ ԿԱՐԳԸ ԵՎ ԺԱՄԿԵՏՆԵՐԸ

- 2.1 Պատվո ցուցակները կազմվում են Կենտրոնի դեկանատի կողմից:

2.2 Կենտրոնի տնօրենի պատվո ցուցակում ընդգրկվում են տվյալ ուսումնական կիսամյակում գերազանց առաջադիմություն ցուցաբերած և առնվազն 19 ՄՈԳ ունեցող բոլոր ուսանողները:

2.3 Կենտրոնի դեկանի պատվո ցուցակում ընդգրկվում են տվյալ ուսումնական կիսամյակում:  
ա/ գերազանց առաջադիմություն ցուցաբերած՝ 18.00-18.99 ՄՈԳ ունեցող բոլոր ուսանողները,  
բ/ հասարակական և գիտական/հետազոտական ակտիվություն ցուցաբերած այն ուսանողները, որոնց ՄՈԳ-ը առնվազն 16 է (համապատասխան ամբիոնի և/կամ Կենտրոնի հանրային կապերի և կարիերայի բաժնի գրավոր երաշխավորությամբ):

2.4 Կենտրոնի տնօրենի և դեկանի պատվո ցուցակները կազմվում են յուրաքանչյուր ուսումնական կիսամյակի արդյունքների հիման վրա՝ փետրվար և հուլիս ամիսներին:

### **3. ՊԱՏՎՈ ՑՈՒՑԱԿՆԵՐԻ ՀԱՍՏԱՏՈՒՄԸ ԵՎ ՀՐԱՊԱՐԱԿՈՒՄԸ**

3.1 Յուրաքանչյուր կիսամյակ Կենտրոնի դեկանի կողմից կազմված ցուցակները ներկայացվում են Կենտրոնի տնօրենի հաստատմանը:

3.2 Կենտրոնի տնօրենի և դեկանի պատվո ցուցակները, ըստ կրթական ծրագրերի, հրապարակվում են Կենտրոնի պաշտոնական էլեկտրոնային կայքում, ինչպես նաև փակցվում են դեկանատում:

3.3 Ուսանողի դիմումի հիման վրա տրվում է տեղեկանք՝ տվյալ կիսամյակում տնօրենի կամ դեկանի պատվո ցուցակում՝ ուսանողի ընդգրկված լինելու մասին:

### **4. ԵԶՐԱՓՈՒԿ ԴՐՈՒՅԹՆԵՐ**

4.1 Սույն Կանոնակարգում փոփոխություններ կամ լրացումներ կարող են իրականացվել Կենտրոնի գիտական խորհրդի որոշմամբ: